

ანგარიში პრაქტიკული სწავლების კომპონენტის დანერგვასთან დაკავშირებით

სსიპ - კოლეჯი „გლდანის პროფესიული მომზადების ცენტრი“ –
ავტორიზებული სახელმწიფო პროფესიული საგანმანათლებლო დაწესებულება
აქტიურად აგრძელებს პარტნიორობას კერძო სექტორთან

კოლეჯის ძირითადი მიზანია თანამედროვე შრომის ბაზრის მოთხოვნების შესაბამისი და სხვადასხვა დარგის მაღალკვალიფიციური, კონკურენტუნარიანი სპეციალისტების მომზადება. კოლეჯში შემუშავებული ყველა საფეხურის პროფესიული პროგრამები და სხვადასხვა მოკლევადიანი სასერთიფიკატო ტერნინგ-კურსები, მატერიალურ-ტექნიკური ბაზა და ადამიანური რესურსები მორგებულია თანამედროვე ბიზნესის მოთხოვნებს და მაღალი ხარისხის თეორიულ სწავლებასთან ერთად პრაქტიკული უნარ-ჩვევების გამომუშავებას უზრუნველყოფს.

მიზნის მისაღწევად, კოლეჯი ხელს უწყობს პროფესიული განათლების სფეროში სასწავლო-სამეწარმეო პარტნიორობას, თანამშრომლობს საქართველოს და უცხოეთის სხვა საგანმანათლებლო დაწესებულებებთან და კერძო ბიზნესის წარმომადგენლებთან. პრაქტიკის განხორციელებისთვის დადებულია მემორანდუმები შესაბამის კომპანიებთან.

კოლეჯის ძირითადი მიზნის მიღწევისთვის ჩვენთვის მნიშვნელოვანია ამ სფეროში კერძო სექტორის ჩართულობის, მათ შორის, თანამშრომლობის გაზრდა, რათა პროფესიულმა სტუდენტებმა/მსმენელებმა შეძლონ სტანდარტებით გათვალისწინებული პრაქტიკის გავლა, რაც გულისხმობს მათ მიერ სამუშაო გარემოსთან შეგუებასა და პროფესიის შესაბამისი უნარ-ჩვევების გამომუშავება/დახვეწას.

კოლეჯის ძირითადი საგანმანათლებლო მიმართულებები განსაზღვრულია ინჟინერიის, ხელოვნებისა და ბიზნესის ადმინისტრირების, ასევე სხვა მიმართულებებით.

სპეციალობებიდან გამომდინარე მხოლოდ 2020-2021 წლებში 200-მდე ურთიერთთანამშრომლობის მემორანდუმი გაფორმდა კომუნიკაციების, მომსახურების, ბიზნესის, მშენებლობის, მრეწველობის, საზოგადოებრივი კვლევებისა და სხვა სფეროების კომპანიებთან. ისინი აქტიურად არიან ჩართულები პროგრამების სტანდარტების შემუშავების, განხორციელების, პრაქტიკის მიმდინარებისა და განხორციელების პროცესში და აგრეთვე, საჭიროების შემთხვევაში პროგრამაში ცვლილების შეტანის ეტაპზე.

ვთანამშრომლობთ და მაქსიმალურ გათვლას ვახდენთ კერძო ბიზნესის წარმომადგენლებთან ერთად მომავალში პროფესიული განათლების პოლიტიკის წარმართვაში, რათა შრომის ბაზარზე ჩვენი კურსდამთავრებულები წარმატებულნი იყვნენ.

კოლეჯის პარტნიორ კომპანიებთან შეთანხმების საფუძველზე, პრაქტიკის განხორციელების ეტაპზე კომპანიები ახორციელებენ პროცესის მონიტორინგს, ხოლო საწარმოო პრაქტიკის დასრულების შემდგომ მონაწილეობენ წინასწარ შემუშავებული შეფასების კრიტერიუმების მიხედვით სტუდენტთა შეფასების პროცესში.

კოლეჯის ერთ-ერთი ყველაზე დიდი გამოწვევა არის პრაქტიკული სწავლების გაძლიერება და დუალური პროფესიული განათლების დანერგვა, რომელიც სრულად შეესაბამება შრომის ბაზრის საჭიროებებს. **დუალური პროფესიული განათლება** ინფორმაციის ტექნოლოგიის მიმართულებით უკვე დაინერგა და წარმატებით მიმდინარეობს. მისი მთავარი არსი იმაში მდგომარეობს, რომ პროფესიული სტუდენტი როგორც თეორიულ ცოდნას იღებს, ასევე ეუფლება პრაქტიკულ უნარ-ჩვევებს უშუალოდ სამუშაო გარემოში. დუალური პროფესიული განათლების დანერგვაში კოლეჯს აქტიური როლი მიუძღვის, რაც პროფესიული კადრების შრომის ბაზრის საჭიროებებთან შესაბამისობის ერთ-ერთი საუკეთესო გზა. სამომავლოდ ის დამსაქმებელთა ინტერესებს სასწავლო დაწესებულებასთან დააკავშირებს. ასევე დამსაქმებელს საშუალება ეძლევა უშუალოდ წარმოებაში ადევნოს თვალყური მომუშავე სტუდენტს, შეაფასოს მისი შრომისადმი დამოკიდებულება, შეარჩიოს სასურველი კადრი და სხვა.

მოქმედი კანონმდებლობით, პროფესიულ საგანმანათლებლო დაწესებულებას, ეძლევა ეკონომიკური საქმიანობის განხორციელების უფლება და დაწესებულება ეცდება ამ მიმართულებით მატერიალური-ტექნიკური ბაზისა და ადამიანური რესურსების მობილიზებას, ასევე პროფესიული სტუდენტების/მსმენელების წახალისებას.